

Buod Ng Polisiya – Polisiya Para Sa Kanser (Cancer Policy)

Sa Buod ng Polisiya na ito, ang mga salitang “kami”, “amin/namin” at “kami” ay nangangahulugang ang *American Income Life Insurance Company*, ang tagaseguro sa ilalim ng Polisiya.

Ang mga salitang “ikaw/ka” at “iyo/mo” ay nangangahulugang ang tao na nakapangalan bilang “Nakaseguro” sa Iskedyul ng Polisiya.

Nagbibigay ang Polisiya ng mga benepisyo para sa unang pag-diyagnos ng Kanser

May seguro ang Polisiya sa unang pagkakataong nadiyagnos na may Kanser ang isang Nasaklawang Tao.

Babayaran lamang namin ang natutukoy na benepisyo kung ang Kanser ay unang lumitaw makalipas ang unang 30 araw ng pag-iral ng Polisiya. Ang Kanser ay unang ‘lumitaw’ kapag ang mga sintomas ng Kanser ang naging sanhi ng pagpapatingin, pangangalaga o paggamot ng isang ordinaryong maingat na tao.

Makalipas ang unang 30 araw na iyon, babayaran namin ang naaakmang benepisyo kung ang Nasaklawang Tao ay unang nadiyagnos na may Kanser habang umiiral ang Polisiya. Ibig sabihin ng “umiiral” (in force) ay hindi huminto ang pag-seguro sa nasaklawan.

Ang halaga na aming babayaran ay nakasaad sa Iskedyul ng Polisiya. Babayaran namin ang kalahati ng halagang iyon kung ang Nasaklawang Tao ay unang nadiyagnos na may Kanser makaraan ang anibersaryo ng Polisiya na kasunod ng kanyang ika-65 kaarawan.

Kapag nabayaran na namin ang benepisyo, ang seguro para sa Nasaklawang Tao ay magtatapos na sa ilalim ng Polisiya.

Tinutukoy ka namin at ang bawat nakasegurong miyembro ng iyong pamilya bilang “Nasaklawang Tao”.

Ikaw ay may karapatang kanselahin ang Polisiya sa loob ng 10 araw ng trabaho

Kung pipiliin mong kanselahin ang Polisiya sa loob ng 10 araw ng trabaho sa pagkatanggap nito mula sa amin, kung gayon, kami at ikaw ay nasa dating sitwasyon na parang walang na-isyu na polisiya. Sa ganitong kaso, ibabalik namin sa iyo ang anumang premium (perang naihulog) na nabayaran mo na.

Ang layon ng Buod ng Polisiya na ito ay upang ipaliwanag ang ilan sa mga pangunahing katangian ng Polisiya.

Ang Buod ng Polisiya na ito ay isang maikling pangkalahatang pagtunghay lamang at hindi bahagi ng kontrata mo sa amin.

MANGYARING BASAHING MABUTI ANG POLISIYA KAPAG NATANGGAP MO NA ITO.

Ang aktwal na Polisiya ay may kumpletong impormasyon at nagtatakda ng anumang mga limitasyon.



Maaaring iseguro ang iyong pamilya sa ilalim ng Polisiya

Maaari kaming tumanggap magbayad ng mga benepisyo kung magsasabi ka nang hindi tama sa iyong aplikasyon

Maaari mong kanselahin ang Polisiya sa pamamagitan ng pag-abiso:

- sa amin, sa aming mga detalye ng kontak sa itaas; o
- sa tagapayo ng *AIL sa NZ* na nagbenta nito sa iyo.

Kung kakanselahin mo ang Polisiya makalipas ang 10 araw ng trabaho sa pagkatanggap nito, hindi namin ibabalik ang anumang premium na nabayaran mo na.

Ang mga miyembro ng iyong pamilya na maaaring iseguro ay:

- ang iyong asawa, partner sa civil union (kasal sa huwes) o partner na de facto;
- ang iyong mga anak na wala pang 19 na taong gulang sa petsa ng Polisiya, na hindi kasal, nakikipagrelasyong civil union o de facto, at umaasa sa iyo para sa suporta.

Ngunit sa bawat kaso, upang maiseguro, sila ay dapat mapangalanan sa aplikasyon o idagdag sa Polisiya makaraang ma-isyu ito. Ang saklaw para sa iba pang mga umaasa (dependents) ay sasalalay sa aming pag-apruba.

Naglalaman ang Polisiya ng detalyadong mga kondisyon kung kailan matatapos ang seguro para sa mga miyembro ng pamilya sa ilalim ng Polisiya. Kabilang sa mga kondisyong ito, halimbawa, kung ano ang mangyayari pagkaraang maging 21 taong gulang ng iyong mga anak.

Kung magsasabi ka sa amin nang hindi tama sa iyong aplikasyon para sa Polisiya (o hindi magsama ng isang bagay), kung gayon, sa unang dalawang taon (kung pinapahintulutan ng batas) maaari naming:

- kanselahin o pawalang-saysay ang Polisiya; at
- tanggihang magbayad ng anumang mga paghahabol na iyong gagawin.

Makalipas ang dalawang taon na iyon, hindi namin kakanselahin o ipawawalang-saysay ang Polisiya o tatanggihang bayaran ang anumang mga paghahabol kung may sinabi kang hindi tama sa iyong aplikasyon (o hindi ka nagsama ng isang bagay). Maliban kung ikaw ay naging mapanlinlang sa paggawa nito.



Hindi kami magbabayad ng anumang benepisyong sa ilang mga pangyayari

Magbabayad kami ng benepisyong sa ilalim ng Polisiya para lamang sa ilang mga uri ng kanser. Halimbawa, ang sumusunod na mga uri ng kanser ay **hindi** nakaseguro sa ilalim ng Polisiya:

- kanser sa balat;
- carcinoma in situ;
- Stage 1 ng Hodgkin's disease;
- Stage A na kanser ng prostate; at
- ilang mga uri ng melanoma na nakasaad sa Polisiya.

Hindi kami magbabayad ng benepisyong kung ang unang diyagnosis ng Kanser ay ginawa sa labas ng New Zealand, Australya, o sa Estados Unidos.

Dapat bayaran ang regular na premium

Ang regular na mga premium ay dapat ibayad sa amin upang panatilihin umiiral ang Polisiya. Ang halaga ng premium ay nakasaad sa Iskedyul ng Polisiya.

Kung ang premium ay hindi nabayaran bago dumating ang takdang petsa, naglalaan kami ng 31 araw para mabayaran ang premium.

Awtomatikong napapanibago ang Polisiya

Ang Polisiya ay garantisadong mapapanibago hanggang sa umabot ka sa edad na 80 taong gulang. Ito ay sa kondisyong ang mga premium ay nabayaran at natugunan mo ang iyong mga obligasyon sa ilalim ng Polisiya. Hangga't umiiral ang Polisiya at natutugunan mo ang iyong mga obligasyon sa ilalim ng Polisiya, hindi namin makakansela ang Polisiya o makapaglalatap ng anumang karagdagang mga paghihigpit dito.

Kami ay may karapatang baguhin ang mga halaga ng premium sa pagpapanibago ng Polisiya. Ang ganitong pagbabago ay ilalapat sa lahat ng mga polisiya sa New Zealand na may parehong anyo sa Polisiya. Bibigyan ka namin ng 31 araw na paunawa tungkol sa pagbabago.

Paano ka makagagawa ng paghahabol

Dapat mo kaming abisuhan nang nakasulat (o ang isang tagapayo ng *AIL sa NZ*), ng isang paghahabol sa loob ng 60 araw ng unang diyagnosis ng Kanser, o sa makatwirang madaling panahon makaraan ang mga araw na iyon.

Padadalhan ka namin ng mga form ng paghahabol (claim forms) na iyong kukumpletuhin kapag naabisuhan mo na kami ng iyong paghahabol.

Dapat mong kumpletuhin ang mga form ng paghahabol at ibalik ang mga ito sa amin (o sa isang tagapayo ng *AIL sa NZ*), kasama ang kinakailangang pansuportang impormasyong medikal. Dapat mong gawin ito sa loob ng 90 araw mula sa petsa ng unang diyagnosis ng Kanser. Kung hindi makatwirang makumpleto at maibalik ang mga form sa loob ng limitasyong ito, maaari kang magkaroon ng dagdag na panahon upang gawin ito (na nakadetalye sa Polisiya).

Ang mga benepisyong babayaran sa ilalim ng Polisiyang ito ay aming babayaran sa sandaling matanggap namin ang nakasulat na patunay ng unang diyagnosis ng Kanser.